

tatini. Koia ra tenei ko te whakaritenga i tera wahanga tuatahi o te hui.

Nga iwi i hui mai, Ngapuhi Mrs. Davis, Maniapoto, Whareheta ma, Waikato. Te Puea ma. Ngati Whatua, Hutana ma, Taranaki Rima Tamaipareira ma. Wanganui Mete Kingi ma, Kurahaupo Hoeroa Marumaru ma. Raakawa Lingi Tahiwai ma, Ngaitahu Takuta Erihana ma. Rongokako Tatere ma. Tahoraahi Nireaha ma. Heretaunga Morehu Taroa ma. Taupo ko Te Heuheu ma, Te Arawa Mita Taupopoki ma. Matatua Kereru ma. Whanaupuanui ko Kupu ma. Kahungunu ki Te Wairoa ko Teo Kara ma. Te Urewera ko Eria ma. no Te Hahi Weteriana ko Tahupotiki.

Kaati no nga ropu mahi kawanatanga o te Tari Maori. te roo o Te Pirimia Mr. Forbes. Minita Ahuwhenua. Minita Whenua. Chief Judge R. N. Jones. Under Secretary. Judge Rawson Kaitiaki Maoriri. Mr. Shepard. Land Purchase Dep. Judge Holland. Registrar Tiweka. me nga apiha o Te Tari Whakatapu Take paanga, me nga Kai whakamaori katoa o Te Tari Keoti Whenua Maori. paupau mai ana nga apiha katoa o taua Tari Maori ki raro i to ratou upoko ariki ara i Te Minita Mo Te Taha Maori. Ka tika kia kiiia he huinga o enei apiha katoa ki raro i to ratou tumuaki ki waenganui i te iwi maori. tae atu ki te Iwi Pakeha. Na tenei ahua ka vere a marama tonu te patai "He aha ra te hua mo tenei ahuatanga?"

Nga mihimihi, nga tangi, nga apakura, nga waiata a te huinga kaumatua, aroha ana te tu morehu mai i roto i tenei ra, nga 'How do you do' a nga taitamariki, tetahi ki tetahi, ahakoa te mama o tena honore, te ringa ruuru a nga hoa kura o teua me tona keroria, kaore i whiua kakii marotia, engari whaiti ano ki te kupu a te kaumatua ra a Tini, kua ohakitia nei kia 'Tataui! Tataui!

Nga putake i whakahaeretia, tuatahi ko Te Tiriti o Waitangi:--

1 whakamarama a Ngata ki nga putake o te haka i tapaea ra ki te marae i roto i ng pohiri i nga ope whakaeke. Ko taua haka no te wa i haere ai a Hirini Taiwhanga ki te whakahaere i Te Tiriti ki nga marae maha o te motu i tono ai ia kia tautokonga te haere ki Ingarangi mo taua putake. Te mutunga iho 'E waru pu.'

I huri te nuinga o ana korero ki to ratou kaumatua kia Te Kapunga e whakahaere nei i te haina pitihana i whakahoutia nei e Ratana he tono i te Mana o te Tiriti kia whakaaratia ano; tona ikanga o tera ahua mehemea nei kei te takoto, kei te moe ranei taua Tiriti.

I whakaatu ia ki te hui 'Kaore Te Tiriti i te mate, i te moe ranei' e pitihanatia ai kia whakaaratia. Kei te he tera maha-